



Sermon
Kxf. Dr. Numlaajtsheb Yaaj


“Cia Li Zoosiab!”

Nineteenth Sunday after Pentecost
Our Savior Lutheran Church
10-11-2020

Thov txoj koobhmoov txojkev hlub thiab txojkev haumxeeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Filipis 4:4 “Rejoice in the Lord Always. I will say it again: Rejoice! – *Cia li zoosiab rau ntawm tus Tswv txhua lub sijhawm. Kuv rov hais duas haistias: Cia li zoo siab!*” Nov yog Vajtswv Txojlus. (Cross Reference – Nkauj Qhuas Vajtswv 33:1, Hapalus 3:18, 2 Kauleethaus 6:10, Filipis 3:1, 1 Thexalaunikes 5:16)

Illustration “Are you happy” (Show Elvis Presley)




6 weeks before he died, a reporter asked Elvis Presley, “Elvis, when you first started playing music, you said you wanted to be rich, famous and happy. Are you happy?” “I’m lonely as hell” he replied. – *6 asthiv uantej Elvis Presley tuag, muaj ibtug tub sau ntawv xovxwm nug Elvis haistias, “Elvis, thaum koj pib ntau suabnkauj, koj haistias, koj xav kom koj yog ibtug tibneeg muaj nyiaj npluanuj, tau lub npe nto moo lug, thiab tau txojkev zoosiab. Koj puas muaj txojkev zoo siab?” Elvis teb haistias, “Kuv nyob ibleeg kheej zoo nkaus li ntuajtawg teb tsis muaj kev zoosiab li.”* (Source Unknown)

I. Hnubno nej leejtwg puas xav haistias cia nws xav txog txojkev nyuajsiab saib txojkev nyuajsiab puas pab tau nws li cas? (Show depression)



Nej pestsawg leej xav haistias cia nej xav txog txojkev nyuajsiab saib nej puas yuav tau txojkev kajsiab nrog rau txojkev zoo siab? Kuv ntseeg haistias, yog leejtwg xav txog txojkev nyuajsiab yuav muaj kev nyuajsiab heev duas li tus uas xav txog txojkev kajsiab kom nws muaj kev zoo siab. Yog koj twb paub li no, koj yuavtsum cia li zoo siab nrog rau txojkev kajsiab tsis txhob nyuaj siab lawn, vim koj twb tau txojkev “Peace-Haumxeeb) los ntawm Tswv Yexus Khetos. (Apostle Paul in Prison)



Tus Thwjtim Paulus sau tsab ntawv mus rau haiv tibneeg Filipis, Paulus tseem tabtom raug kaw nyob Loos lub tsev lojcuj. Yog peb tibneeg raug kaw hauv tsev lojcuj ntseeg peb yuav nyuajsiab heev. Txojkev tuag twb los ze zuzus rau Paulus tiamsis Paulus tsis yog muaj kev nyuajsiab, nws rau siab ntso ua Vajtswv cov dejnum. Paulus thiaj li sau tsabntawv mus txhawb cov ntseeg uas nws hlub thiab tshua txog kom lawv cia li zoo siab txawm lawv raug txojkev tsimtxom los ntawm txojkev ntseeg los lawv yuavtsum sawv khokho rau txojkev ntseeg Vajtswv. Tsis txhob tig mus mloog thiab ntseeg ntiajteb txojkev los ntawm tibneeg txojkev

yuam kom yus yuavtsum ua ub ua no yus thiaj li muaj txojkev kajsiab zoosiab. Qhovtseeb tiag, koj yog tus ntseeg lawm, koj cia li zoosiab txawm muaj tej xovxwm tshwm tsis zoo los cia li nyob kajsiab lug.

(Show rejoice)



Paulus sau haistias, “Rejoice – *Cia li zoo siab!*” Nov tsis yog haistias, peb yuavtsum zoo siab rau thaum muaj noj muaj haus, noj qab nyob zoo, tsis muaj mob muaj nkeeg, muaj nyiaj muaj txiaj xwb tiamsis peb cia li zoo siab

uas yog muaj txojkev kajsiab txhahnuh rau ntawm peb tus Tswv – vim peb yog Vajtswv cov menyuam. Txojkev zoosiab ntawm nqaijtawv tsuas yog ibpliag xwb tiamsis txojkev zoosiab thiab kajsiab ntawm Vajtswv yog mus ibtxhis. Peb tau txojkev kajsiab vim Vajtswv hu peb los ntseeg Vajtswv thiab Vajtswv twb zam peb tej kev txhaum los ntawm nws txojkev hlub lawm. Peb muaj kev zoosiab vim peb ntseeg tus Vajtswv uas muaj kev ncajnrees, siab dawb siab zoo, tus Vajtswv uas muajsia zees nyob thiab nws tseem niajnub tsmokwm thiab ua lub teeb ci rau peb pomkev rau qhov tseeb.

- II. Paulus cov lus txhawb kom peb yuavtsum muaj lub siab mog siab muas. Lub siab mog siab muas yog tus uas muaj txojkev hlub. Lub advent season tseem yuav los no peb npaj peb lub siab mog siab muag ua koobtsheej nco txog peb tus Tswv Yexus twb yug dhau 2000 xyoo los lawm thiab tseem tos peb tus Tswv Cawmseej yuav rov los zaum ob uas yog los coj peb mus nrog nws nyob saum ntuj ceebtsheej tau txojkia mus ibtxhis. **(Show worry)**



Vajtsw txojlus samhwm rau peb haistias, htaum peb tseem ua neej nyob, “*Peb tsis txhob txhawj txog lub neej.*” Tiamsis, peb tseem niajnub txhawj txog peb lub neej. Tus niam tsis sibhaum nrog tus txiv. Tus txiv tsis sibhaum nrog nws cov menyuam. Lub cuab lub yig tsuas muaj kev ntxhovsiab thiab sib liam haistias, “Tim tus ub tus no” nws thiaj li niajnub nyob tsis muaj kev zoosiab thiab kajsiab li. Thaum muaj tej no tshwm rau yus lawm, yog yus tsis ceevfaj, yus tsua muaj kev nyuajsiab rau yus tuskheej heevduas li yus txojkev nyuajsiab rau tus uas ua rau yus chimsiab ntawd. Txojkev no yuav ua rau yus txhawj tsis muaj kev zoo siab li.


Tiamsis Yexus haistias, “Do not worry about your life... but seek first his kingdom of righteousness – *Tsis txhob txhawj txog koj lub neej ... xub nrhiav Vajtswv lub tebchaws uantej*” (Mathais 5:25, 33) Koj cia li tso koj tej kev nyuajsiab tseg es cia koj lub neej rau Vajtswv ua tus tswjhwm koj thiaj li tsis muaj kev txhawj kev ntshai nrog rau kev nyuajsiab. **(Show boat sitting on top of fog)**



Ntau lub xyoo dhau los lawm muaj ib lub nkoj hu Sarmian, tus Captain hu ua James Dutton. Thaum lawv nyob tom havdej cia li muaj ib cov huab los puagncig tus dej thiab lawv lub nkoj. Tiamsis tus Captain tseem tsav lub nkoj ceevntsoj tsis ntshai dabtsi li. Yog li ntawd muaj ibtus caij lub nkauj ntawd ntshai tsam lawv muaj teebmeem ces nws thiaj li los hais rau tus Captain kom tus Captain yuavtsum majmam tsav lub nkoj tsis txhob mus ceev ceev. Tus captain teb haistias, “Tsis txhob ntshai, vim cov huab ntawd tsua nyob saum npoo dej xwb ho kuv yog tus nyob siab

tshaj ntawm cov huab ntawd ces kuv twb pom txhuayam ped hauvntej lawm, thiab kuv yog tus tswjhwm lub nkoj. Tsis muaj dabtsis yuav raug koj thiab koj yuav tsi ua li cas.”

Peb ua neej nyob peb ntshai tsam peb yuav mus tsoo ub tsoo no vim peb lub neej zoo li lub nkoj uas mus ceev heev. **(Show prayer and petition)**




Peb hnov qab txog haistias, peb muaj ibtus Captain uas yog tus tswj peb lub neej. Vs. 6 sau haistias, “Don’t be anxious about anything – *tsis txhob maj rau ib yam dabtsi.*” Tsi tag li ntawd xwb, Paulus sau ntshai haistias, “but in everything, by prayer and petition, with thanksgiving, present your requests to God – *tiamsis rau txhuayam los ntawm kev thov Vajtswv thiab yam ua nej xav tau cia li ua tsaug rau txhuayam uas nej thov Vajtswv.*” (Filipis 4:6).

- III. Cov kwvtij hlub thiab movtshua, yog koj xav tau txojkev zoosiab losyog tau kev kajsiab, koj yuavtsum nthuav koj txojkev thov thiab qhia rau Vajtswv. Tsis yog lam thov xwb tiamsis yog koj twb tsis cia siab rau tej lus uas koj thov ntawd, ua li cas koj yuav muaj txojkev zoosiab. **(Show give thanks)**




Txawm Vajtswv teb thiab tsis tau teb koj tej lus thov los koj yuavtsum nco ntsoov ua Vajtswv tsaug. Txojkev uas peb yuav tau txojkev kajsiab los nrog kev zoosiab yog peb tusa ua tsaug rau Vajtswv txojkev hlub uas nws ua kom tibneeg ntiajteb muaj kev zoosiab. Yexus twb los ua txhuayam saum tus ntoo khaublig kom peb rov muaj txojkev haumxeeb nrog Vajtswv lawm, peb cia li zoosiab ua Vajtswv tsaug xwb. Muaj 10 nqi txhawb kom peb paub ua peb lub neej muaj kev zoo siab thiab tau kev kajsiab. (Show 10 golden rule)




Ten rules for happier living:

1. Give something away (no strings attached) – *muab pub lwmtus (tsis txhob yuav pauj rov qab)*
2. Do a kindness (and forget it) – *Siabdawb mus pab lwmtus – (thaum pab tag tsis txhob nco lawm).*
3. Spend a few minutes with the aged (their experience is a priceless guidance) – *Siv koj lub sijhawm los mus nrog cov laus tham (lawv txojkev ntse yuav pab tau koj)*
4. Look intently into the face of a baby (and marvel) – *Saib tus menyuam mos lub ntsejmuag (thiab txausiab rau yam uas koj saib ntawd)*
5. Laugh often (it's life's lubricant) – *Yuavtsum luag kom ntau (nov yog pab koj ua neej)*
6. Give thanks (a thousand times a day is not enough) – *Cia li ua tsaug (ib hnub koj ua ib phav zaug los twb tsis tau txaus)*
7. Pray (or you will lose the way) – *Thov Vajtswv (yog koj tsis thov koj yuav poobzoo rau txojkev ua neej)*
8. Work (vigorously) – *Ua haujlwm (raus siab ntso)*
9. Plan as though you'll live forever (because you will) – *Ua lub neej haistias koj yuav muaj sia mus ibtxhis (Vim koj yeej yuav tau li no tiag)*
10. Live as though you'll die tomorrow (because you will on some tomorrow) – *Ua lub neej haistias tagkig yus yuav tuag (Vim yus yeej yuav tuag ib hnub twg nyob hauv ntiajteb no)* (Source Unknown)

Koj ua neej nyob yog koj tsua txhawj li txhawj tsis nco ntxog Vajtswv txoj koobhmoov uas nws niajnub twb foom pub rau koj lawm, ces koj tsuas ua lub neej tsis muaj kev zoosiab nrog txojkev kajsiab li. Tiamsis yog koj ua Vajtswv tsaug rau txhuayam, thaum no koj yog tus muaj kev zoosiab thiab tau txojkev kajsiab duas li lwmtus. (Show Philippians 4:7)



Paulus txhawb kom peb "*cia li zoosiab* – rejoice! Peb zoosiab vim peb muaj Vajtswv nrognraim peb txhua hnub hauv peb lub neej. Peb muaj tus Vajntxwv uas peb cia siab tau txhua lub sijhawm. Txhua zaug nej yeej hnov thaum kuv muab Vajtswv Txojlus tag, kuv siv Paulus lolus ntawm Vs. 7 “Now may the peace of God which passes all understanding keep your heart and mind in Christ Jesus – *Thov kom Vajtswv txojlus pub rau koj totaub thiab tau txojkev haumxeeb rau ntawm Tswv Yexus Khetos.*” (Show rejoice in the Lord)



Vajtswv txojlus txhawb kom peb cia li zoosiab thiab txais Vajtswv txojlus nrog rau txojkev haumxeeb. Yexus yug los rau lub ntiajteb los cawm koj thiab cawm kuv. Peb twb dim ntawm dab lub hwjchim, txojkev txhaum thiab txojkev tuag lawm. Vim peb ntseeg thiab cia siab rau Yexus. Txawm peb ua lub neej nyob hauv ntiajteb no yuav zoo li cas los peb cia li zoosiab. Peb ua neej yog ua rau ntawm Vajtswv. Txawm lwmtus yuav ua rau peb mobsiab tu siab los peb luag ntxhwb ntxhi vim peb muaj qhov “peace – haumxeeb” los ntawm Vajtswv nyob rau hauv peb lub neej thiab tuaj peb tog mus ibtxhis thiab ibtxhis. “Remember to Rejoice in the Lord always – *Cia li*

zoosiab rau ntawm tus Tswv txhua lub sijhawm.” (Nkauj Qhuas Vajtswv 97). Asmees.Thov kom Vajtswv txojlus pub rau koj totaub thiab tau txojkev haumxeeb rau ntawm Tswv Yexus Khetos. Peb txhuatus uas yog Vajtswv cov menyuam peb sawvdaws hais: Asmees.